

## ИНВЕСТИЦИЯ ВА МОЛИЯ ФАОЛИЯТИДАН ТУШГАН ПУЛ ОҚИМЛАРИ БЎЙИЧА ҲИСОБОТ

16. Хўжалик юритувчи субъект инвестиция ва молия фаолиятидан ялпи пул тушумлари ва ялпи пул тўловларини ҳисоботда алоҳида-алоҳида акс эттириши керак, нетто асосида\*\* ҳисобга олинадиган ва қуйидаги икки параграфда баён қилинадиган пул оқимлари бундан мустаснодир.

**\*\* Нетто-асос — соф оқим ёки ҳисобот даврида пул маблағининг камайиши.**

17. Мижозлар номидан пул оқимлари нетто асосида очиб берилади, бунда пул оқимларининг ҳаракати юридик шахснинг фаолиятига нисбатан мижоз фаолиятини кўпроқ акс эттиради, масалан:

17.1. Инвестиция ташкилоти ўз мижозларининг топшириғига биноан ушлаб турадиган жамғармалар;

17.2. Мулк эгаси номидан ундириладиган ва унга бериладиган ижара тўловлари.

18. Тезда айланадиган, катта миқдордаги маблағни ўз ичига оладиган ва тўлаш муддати қисқа бўлган моддалар бўйича пул оқимлари ҳам нетто асосида очиб берилиши мумкин, масалан:

18.1. Пул тушумлари ҳамда тўлаш вақти қайд этилган депозитларни олиш ва тўлаш бўйича тўловлар;

18.2. Депозитларни жойлаштириш ва уларни бошқа молия муассасаларидан қайтариб олиш;

18.3. Мижозларга берилган пул бўнаклари ва кредитлар ҳамда бу бўнаклар ва кредитларнинг тўланиши.

